

Е. В. ЗУБКОВА

ПЭРЫТКО ТИФО



МЕДГИЗ

1933

Е. В. ЗУБКОВА

ПЭРЫТКО ТИФО

Г.П.Б. в Лнгр.

Ц. 1934 г.

Акт. № 201



ГОСУДАРСТВЕННО
МЕДИЦИНСКО ИЗДАТЕЛЬСТВО
Москва — Ленинград
1933

29

СО СЫ ЧИНДЛО.

Соцыалистическо строительство и ракхийбэ бутитконэнгиро састыпэн	3
Пэритко тифо-заразно насвалыпэн	6
Сыр насвалёна пэрытконэ тифоса	—
Сыр розгалёлапэ пэрытко тифо	7
Исы мануша, кэ савэ на приачела пэрытко тифо	11
Кон бутыдыр насвалёла пэрытконэ тифоса	12
Источники пэрытко тифознонэ зараза	13
Пэрыткотифозно насвало	—
Бацыллолыджяибнытка	15
Матхя	17
Паны	18
Канализацыя	20
Хабнытка продукты	21
Сыр тэ зракхэс пэс э пэрытконэ тифостыр	23
Пэскиро санитарно минимумо дро марибэн э эпидэмиенца	—
Ракхибнытка прикхуибэна	24
Марибэн э пэрытконэ тифоса-марибэн палэ культурно революцыя	27

СОЦЫАЛИСТИЧЕСКО СТРОИТЕЛЬСТВО И РАКХИБЭ БУТИТКОНЭНГИРО САСТЫПЭН

Прэ амарэ якха создэнапэ дрэ амари риг уса нэвэ тэ нэвэ фабрики, заводы, штубы ваш бутитконэнгэ и ад. дур. Кажноэ бэршэса уса фэдырьякирэлапэ бутитконэнгиро джиибэн материалнэс, буглёла культура машкир бутитконэндэ. Кхэтанэ адалэса дрэван бут сы кэрдо советсконэ властяса пиро ракхибэ бутитконэнгиро састыпэн: уфэдырьякирэлапэ паныснабжэниё, пролыджяибэ канализацыя и ваврэ санитарно-осастыпнытка мероприятия, со про бут стэлякирдяпэ насвалыпэн пэрытконэ тифоса пиро сравнениё э жыко революцыоннонэ бэршэн. Пэрытко тифо прилыджяла дрэван баро ушшэрбо манушэнгирэ хулаибнаскэ дрэ амари риг, адякэ сыр про кажно насвалыпэн пэрытнонэ ти-

фоса наshawэлапэ среднес 50 бутяритконэ дывэсэн. Пэрытко тифо, сыр и ваврэ заразна насвалыпэна, могискирэла тэ насвалякирэл на токо отдельнонэ манушэн, нэ могискирэла тэ дэл и массова насвалыпэна, Кой-коли адасавэ насвалыпэна насвалякирэна бутысенцы манушэн (массова насвалыпэна савэнэяви заразнонэ насвалыпнаса кхарэлапэ эпидемияса). Марибэн э пэрытконэ тифоса тэрдёла адалэстыр екхэса э важнонэндэр усло-виёса дро рэндо зракхибэ састыпэ бутитко-нэн.

Второ панжбэршытко тховэла ангил амэндэ цэло рядо задыбэна пиро важна отрасли дро манушэнгиро хулаибэн. Выкэрибэ адалэ задыибнан танго сы спхандло э количественнонэса и качественнонэса обеспечениёса кадры ваш соцыалистическо стройка. Дрэ одова времё сыр дро капиталистическа риги тасавэла экономическо кризисо уса барьёла бибутякирибэ машкир бутитконэндэ, дро СССР промышленность про адакцы выбария, со амэндэ наухтылла бутяритко зор.

Прилыи дрэ годы адава пучибэ ваш кадры тэрдёла екхэ дрэван вожнонэ задыбнаса. Марибэн пало стэлякирибэ насвалыпнан тэ за-

зорьякирибэ састыпэ бутярэн бангэ тэ явэн екхэ э важнонэндэр мероприятиендыр пирозорьякирибэ кадры ваш соцыалистическо стройка. Кажно бутитко ром банго тэ джинэл, со насвалыпэн пэрытко тифо могискирэла тэ помэшынэл успэшнонэ роскхуибнаскэ соцыалистическо строительство.

Ригакири индустриализация, обкхэтанякирибэ гавитко хулаибэн тэ успэшно выкэрибэ пэrvонэ панджбэршытконэс создынэ база ваш санитарно осастякирибэн рига, ваш пролыджяибэ буглэ мероприятияи пиромарибэ э заразнонэ насвалыпнанца. Роскхудо соцыалистическо строительство дро второ панджбэршытко дэла амэнгэ могискирибэ окончательнэс тэ хаськирас насвалыпэна дрэ амари риг.

Дро второ панджбэршытко амэндэ явэла дорэстно уфэдырьякирибэ культурно-бытово обслужываниё бутитконэн, адава лэла содействовать инкэ бутэдыр стэлякирибнаскэ насвалыпнан и узорьякирибнаскэ састыпэн бутитконэн СССР.

Заразна насвалыпэна, адякэ жэ и о пэрытко тифо, исы пхарэ наследийеса антисанитарнонэ условиен, дрэ савэ джиндлэ бутика дрэ пхураны тагаритко россия. Амэнгэ трэ-

би сарэ рикирибнаскирэ амэндэ срэдствэнца
тэ хаськирэс адава капитализмоскиро насле-
диё и адалэса содействовать построениёскэ
соцыалистическонэс биклассовонэ обшшэст-
вос дро СССР дрэ второ панджбэршытко.
Пролыджяипнаса санитарно минимумо дро
быто и про производство, уфэдырьякириб-
наса обкхэтанякирдо чяраипэ, благоустройст-
воса населёна штэты и ваврэ мероприяти-
енца амарэ культурнонэ строителъствос, сис-
тематическонэ тэ упорнонэ марибнаса пало
осастякирибэ бутякирибнас тэ быто амэ до-
марасапэ пхэрдо хаськирибэн эпидэмичэс-
конэ насвалыпнан дрэ амари риг.

ПЭРЫТКО ТИФО—ЗАРАЗНО НАСВАЛЫПЕН

СЫР НАСВАЛЁНА ПЭРЫТКОНЭ ТИФОСА

Ваш одова собы успэшнэс тэ лыджяс
марибэн э пэрытконэ тифоса, трэби тэ вы-
джинэс адава насвалыпэн, трэби тэ полэс,
состыр ёв кэрэлапэ, сыр лэса занасвалёна,
тэ обджинэспэ э причинэнца лэскиро рас-
пространение и тэ уджинэс, сыр могискир-
до сы тэ хаськирэс адава заразно насвалыпэн.

Пэрытко тифо сы заразно насвалыпэ. Сыр

сарэ заразна насвалыпэна, пэрытко тифо
выхкарэлапэ особонэ микробоса,

Микробо, выкхарипнытко пэрытко тифо,
попэри дрэ манушэскиро тупо, розлыджя-
лапэ и выделинэла особа вешшествы, савэ
тэрдёна ядоса ваш манушэскэ, врэднэс дей-
ствуюшша про ило. Адалэстыр насвалэ пэ-
рытконэ тифоса на редкэс мэрэна э на зо-
ралэ илэстыр. Кой-савэ насвалэндэ илэскири
слабость послі тифо ачелапэ прэ саро джи-
ибэн.

Пэрытконэ тифоса занасвалёна одолэс-
тыр, со дрэ манушэскиро организмо по-
пэрэна пэрыткотифозна микробы и дрэ
лэстэ розлыджянапэ.

Адалэ микробы попэрэна дрэ манушэскиро
трупо пирдал муй, кхэтанэ э слюнаса, па-
неса или хабнаса ёнэ прокэдэнапэ дро жэ-
лудко, одотхыр дро виндырья. Дро насва-
лыпэн пэрытконэ тифоса насвлякирэнапэ
виндырья. Рикири пэс на дро жужыпэн здо-
во мануш могискирэла логкхэс тэ занас-
валёл пэрытконэ тифоса.

СЫР РОЗГАЛЁЛАПЭ ПЭРЫТКО ТИФО

Занасвалёла мануш на екхатыр, и токо ды-
вэса пирдал дэшуштар после одова, сыр дрэ

лэскиро организмо попэрна пэрыткотифозна микробы.

Пэрытко тифо могискирдо сы тэ галёс окэ пир со, дрэ манушэстэ постепеннэс кэрэлапэ нидомоганиё, дукхала шэро и наша-дёла әппетито. Дро пэрва дывэса насвалыпэ насвало обычнэс пириутоминэлапэ, бутякирэла э пхарипнаса и сыго кхинёла. Коли дрэ адалэ пэрва дывэса тэ измеринэс лэскэ тэмпература, то ёй явэла токо цро набут учи. Кажнонэ дывэсэса жаро, слабость и э дукх дро шэро уса зоралэдыр газдэлапэ. Насвало на совэла, кэрэлапэ запхандыпэ (запоро) и дукх дро пэр. Насвалэстэ кэрэлапэ чиб шуки, обчиды налётоса.

Ко вавир курко насвалыпнас насвало кэрэлапэ про адакицы слабо, со на могискирэла тэ уштэл пасиибнаскирьятыр. Про вавир курко про колын, думо и цро пэр сыкадёнапэ розова пятны, барипнаса сыр кхурми. Адалэ пятны сыр лэн кхарэна „тифозна розеолы“, бутэдыр сарэстыр кэрэнапэ по набут — по екх и ели заметна; дрэ адалэ случайи би джиныбнытка мануша могискирэна лэн дажэ и тэ на поддыкхэн.

Э ваврэ куркэстыр дро насвалыпэн тифоса насвалэскиро састыпэн тэрдёла дрэван

пхарэдыр — кэрэлапэ дрэван баро жаро, кой-коли наштадэла сознаниё, насвало брэдинэ-ракирэла ни знамо со, дро шэро дрэван бари дукх, дрэ насвалэстэ кэрэлапэ дрэван бари слабость. Дрэ адая пора на рэдкэс запхандыпэ (запоро) спарувэлапэ понососа. Саро вавир и трито курко жаро на спэрэла.

Наредкэс прэ трито курко адалэ насвалыпнас могискирэла тэ кэрэлпэ осложнениё — виндырьенгиро кровотечениё. Кэрэлапэ адава одолэстыр, со дро насвалыпэн тифоса дро виндырья откэрэнапэ язвы, савэндыр и могискирла тэ джял рат. Насвало адалэстыр могискирэла тэ хасёл, сыр ракирэна, насвало могискирэла тэ исджял ратэса. Окэ адалэстыр насвалэн тифоса трэби тэ рикирэс прэ диэта, ваврэ лавэнца тэ пхэнэс, тэ дэс лэнгэ хабэн логкхо, саво-наяви грубо хабэн могискирэла тэ выкхарэл кровотечениё. Би састыпнаскиро нашты тэ дэс ничи насвалэскэ тэ хас, хотя-бы насвало и мангья ваш адава. Трэби саро тэ кэрэс адякэ сыр усыкавэла састыпнытко.

Дрэван лачё хабэн ваш пэрыткотифознонэ насвалэскэ сы тхуд, манно кхурми, бульёно, гудло драп тэ киселё. Дро пэрва трин куркэ ваш насвалэскэ трэби тэ дэс токо

жыдко хабэн. Твёрко хабэн нашты тэ дэс. Токо э штартонэ куркэстыр могискирдо сы тэ влыджяс чингирдо мас тэ парно маро. Высастякирибнаскирэ насвалэ сыр вычиндлэпэ э дукханятыр (больницатыр) трин куркэ бангэ адякэ жэ тэ вырикирэн э диэта. Диэта усыкавэлапэ састыпнаскирэса.

Пэрытко тифо — насвалыпэн дрэван сы пхаро. Дажэ дрэ одова случяё, коли насвалыпэн джяла про адакицы логкхо, со насвало могискирдя бы тэ ачэлпэ про гэра, адава тэ кэрэс уса жэ нашты, адякэ сыр тифо кой-коли сы трашано. Дажэ логкхо насвалыпэн пэрытконэ тифоса могискирэла тэ прилыджял насвалэскэ мэрибэн.

Коли насвалыпэн джяла логкхэс, то э штартонэ куркэстыр насвалэ постепеннэс приявэна дрэ пэстэ: жаро спэрэла, приявэла аппетита, и ко конце штартонэ куркэстыр насвало выздоровьёла. Дро пхарэ случяи насвалыпэн затырдэлапэ жыко охто-дэш куркэ.

Дрэ сарэ алучяи насвалыпнас пэрытконэ тифоса, на дыкхи прэ одова со насвалыпэн джяла логкхэс, трэби тэ чивэс насвалэс дрэ дукханы. Дрэ адава насвалыпэн высастякирибэ или мэрибэ дро бут случяи решынэла

псирибэ палэ насвалэстэ. Дро насвалыпэн пэрытконэ тифоса псирибэ палэ насвалэстэ—адава само главно. Адасово псирибэ, сыр дрэ дукханы, пэстэ дрэ штуба тэ кэрэс сы пхаро. Трэби тэ джинэс, сыр тэ псирэс палэ тифознонэ насвалэндэ. Наджиндлэ псирибнаса могискирдо сы токо тэ кэрэс врэдо.

Баро значениё рикирэла и чячюно састякирибэн. Адыкэ ваш примэро дро виндырытко кровотечениё, кэрдо састякирибэ дро пэскиро времё, могискирэла тэ зракхэл насвалэс. Чив насвалэс дрэ дукханы, амэ адыкэ жэ зракхаса ваврэн тэ на занасвалён адалэ заразнонэ насвалыпнаса.

ИСЫ МАНУША, КЭ САВЭ НА ПРИЯЧЕЛА ПЭРЫТКО ТИФО

Кон екхвар пиринасвалыя пэрытконэ тифоса, обычнэс вавир моло лэса на занасвалёла. Ваш адасавэ манушэнгэ ракирэна, со ёнэ навосприимчива бутыр кэ адава насвалыпэ. Адасави навосприимчивость или, сыр ракирэна, иммунитето кэрэлапэ одолэстыр, со дро насвалэстэ тифоса дро рат насвалэстэ кэрэлапэ противоядиё э тифознонэ ядостыр. Адава противоядиё ачэлапэ дро рат пири-

насвалэскирэстэ прэ саро джиинбэн и зрак-
хэла лэс э нэвэ насвалыпнастыр тифоса.

Кай-савэ мануша рикирэна дрэ пэстэ
врождёно навосприимчивость ко пэрытко
тифо.

КОН БУТЭДЫР НАСВАЛЁЛА ПЭРЫТКОНЭ ТИФОСА

Мануша, насвалякирдэ хроничэсконэнца
(постояннонэнца) жэлудочно-виндырьитконэ
насвалыпнанца, бутэдыр занасвалёна пэрыт-
конэ тифоса, нежэли здорова мануша. Пос-
тоянна запхандыпэна (запоры) или поносы
лыджана ко насвалыпэн.

Коли сы поносо, дро жэлудочно соко
набут джяла лондытко кислота. А лондытко
кислота сы лачи зашшита насвалыпнастыр
пэрытко тифо. Лондытко кислота сави сы
дро жэлудочно соко обезвреживает, умарэла
микробы.

Мануша савэ пьена спиртна напитки
(бравинты) бутэдыр сы восприимчива кэ
зараза пэрытко тифо, нежэли мануша са-
вэ на пьена. Насвалыпэн э алкоголикэндэ
джяла дрэван про бут пхарэдыр и бутэдыр
лыджала ко мэрибэн.

ИСТОЧНИКИ ПЭРЫТКОТИФОЗНОНЭ ЗАРАЗА

ПЭРЫТКОТИФОЗНО НАСВАЛО

Самонэ главнонэ источникоса зараза тэр-
дёла мануш, насвало пэрытконэ тифоса, адякэ
сыр дрэ лэскирэ выделенияи — дро мутэра тэ
испражнении — всегда латхэнапэ дрэван бут
пэрыткотифозна микробы.

Адалэстыр псирибэн пало тифознонэстэ
насвалэстэ банго тэ явэл кэрдо адякэ сыр
фэдыр и пиро усыкаибэ састыпнаскирэса. Ма-
нуша, савэ псирэна пал адасавэ насвалэстэ
бангэ шукир тэ морэн васта э сапунеса посл
кажно причялаибэ (прикосновении) ко нас-
вало или кэ саро одова, пал со лэласпэ пэ-
рыткотифозно насвало.

Могискирдо сы тэ занасвалякирэс навы-
мордэ васта на токо пэс, нэ и э ваврэн.
Наивья пэрытко тифо кой-коли кхарэна
„насвалыпэн на вымордэ вастэндыр“. Навы-
мордэ вастэнца после причялаипэ ко насвало
или кэ саро одова пал со лыяпэ насвало
могискирдо сы тэ насвалякирэс посуда, маро,
хабнытка продукты, савэ отэнчя лэна тэ хан
ваврэ мануша. Адякэ наредкэс занасвалёла
сари ири.

Могискирдо сы тэ занасваяклирэс тхуд, коли на вымордэ вастэнца тэ душэс (доинэс) гурувня. Пэрытконэ тифоскирэ микробы на вырикирэна учи температура. Коли тхуд тэ прокэравэс, то сарэ микробы дрэ лэстэ явэна умардэ, адасаво тхуд ужэ на явэла насвалякирдо. Коли жэ тэ выпьес насвалякирдо на прокэрадо тхуд, то могисыирдо сы тэ занасвалёс пэрытнонэ тифоса.

Адыкэ жэ сыр и о тхуд, **могискирдо сы тэ занасвалякирэс паны.** Коли ваш примеро навымордэ вастэнца дро псирибэн пало пэрыткотифознонэ насвалэстэ тэ пхэрэс паны вэдратыр тахтаяса и адай жэ напофроми тэ обмэкэс пэскиро ангушто (пальцо), то паны дрэ сари вэдра явэла занасвалякирдо ваш сарэнгэ, кон лэла тэ пьел адава паны.

Коли насвало тифоса гэя ваш пэскэ (испражнятыся) прэ унта (огорода) или пашыл унты или коли унты почивэнапэ занасвалякирдэ панеса, то микробы кхэтанэ э пхувьяса **могискирэна тэ попэрэн про овошши;** коли адасавэ овошши лэна дро хабэн, на промордэнца, то могискирдо сы тэ занасвалёс пэрытконэ тифоса.

Сталобыть тэ занасвалёс могискирдо сы окэ состыр: 1) кокорэ насвалэттыр, 2) дро

пибэ паны, занасвалякирдо пэрытконэ тифознонэ микробэнца, 3) э продуктэндэр ваш хабэн занасвалякирдэ пэрыткотифознонэ микробэнца.

БАЦЫЛЛОЛЫДЖАИБНЫТКА

Главнонэ источникоса зараза пэрытко тифотэрдёла мануш, дро виндырьитко савэстэ исы пэрыткотифозна микробы (или сыр кхарна бацыллы). Наукаса сы угалыно, со мануша высастякирибнаскирэ э пэрытконэ тифостыр, наредкэс инке длэнго времё рикирэна дрэ пэстэ зараза пэрытконэ тифос. Э мутэрэнца, испражнениёса ёнэ выделінэна пэстыр джидэ пэрыткотифозна микробэн (бацыллы). Адасавэ манушэн кхарэна **бацыллолыджайбнытка**.

Кой-коли на насвалякирдэ мануша адяке жэ могискирна тэ тэрдён бацыллолыджайбнаскирэнца. Мануша, савэ сы на воспримичивако насвалыпэн пэрытконэ тифса могискирэна тэ выделінэн кхэтанэ испражнениенца пэскирэ виндырьитконэстыр пэрыткотифозна микробы, и коли адалэ мануша кхэтанэ исыс э пэрыткотифознонэ насвалэса.

Выделениё пэрыткотифознонэ микробэн бацыллолыджайбнаскирэнца кэрэлапэ кой-коли

куркэнца тэ чёнэнца, адалэстыр дыкхно
сы, саво трашаибэн придэна бацыллолыд-
жяибнытка. Дрэван баро трашаибэн придэла
бацыллолыджяибнытка, коли ёнэ сы бутярья,
савэ кэравэна хабэна, бутякирэна прэ кух-
ня, бикнэна продукты ваш хабэн.

Адалэстыр кхэтанэ марибнаса э пэрытконэ
тифоса банго тэ явэл **розгалыпэ бацылло-**
лыджяибнытконэса машкир манушэндэ, па-
шыл насвалэстэ, а адякэ жэ машкир высас-
тякирибнаскирэндэ.

Особеннэс тшшательно банго тэ явэл вы-
ухтылыбэ бацыллолыджяибнытконэн савэ сы
спхандлэ дрэ пэскири буты подлыджяибэ
населениёскэ паны ваш пибэ, тхуд, марэ и
ваврэ хабнытка продукты. Розродымэ адасавэ
мануша бацыллолыджяибнытка бангэ тэ злэ-
нпэ лэнгирэ бутятыр и тэ пирилыжянпэ прэ
вавир буты, кай ёнэ на явэна про адакицы
трашанэ ваш населениё. Сарэ бацыллолыд-
жяибнытка бангэ тэ явэн тэло санитарно
придыкхибэ и тэ сыклякирэнпэ сыр тэ пси-
рэн пал пэстэ и пало миптыпэ дрэ штуба.

Бутярья пиро обкхэтанякирдо (обшшес-
венно) чяраипэн бангэ тэ джинэн, со машкир
лэндэ могискирэна тэ явэн на розгалынэ
бацыллолыджяибнытка, и адалэстыр ёнэ бангэ

строгэс тэ рахэн сарэ санитарно-гигиени-
ческа правилы, савэ сы утходэ ваш бутя-
рэнгэ пире обкхэтанякирдо чарайпэн.

МАТХЯ

Дро бут случаи пиридэна пэрыткотифозно
зараза матхя. Ёнэ пиридэна адякэ жэ ваврэ
заразна насвалыпэна: холера, ратуно поносо
и ваврэ. Выгиндло сы, со екх штубакири
матхин могискирэла тэ пирилыджял прэ пэ-
скирэ гэрорья екхатыр жыко шов миллионы
микробэн. Коли тэ роздыкхэс матхин дро
увеличительно стэкло, то могискирдо сы
тэ удыххэс, со лакиро трупэ и о гэрорья
учякирдэ сы генстонэ балорэнца. Окэ кэ
адалэ балорэ и приячена микробы, коли
матхин ползинэла пире савэ-наяви кирныпэ-
на. Матхя заурняна дро укэдыбнытка (убо-
рна), могискирэна тэ попэрэн про испраж-
нении пэрыткотифознонэ насвалэс, а отэнчя
могискирэна тэ попэрэн про хабэна и пири-
лыджяна прэ лэндэ пэрыткотифозна микробы.

Ваш марибэ э матхэнца, пирилыджяибныт-
конэнца пэрытко тифо трэби дро пэскиро вре-
мё тэ хаськирэс мэл дрэ штуба (тэ на рикирэс
мусоро). Матхя отчивэна пэскирэ ярорэ дро

сама разна вешшествы, нэ бутэдыр сарэстыр дро испражнении тэ дро кирно мэлалыпэ (дро мусоро).

Окэ адалэстыр ни сыр нашты тэ ачявэс откэрдэс кухонна отчюрдыпэна (отбросы), выгребна тэ помойна колбани. Сарэ отчюрдыпэна бангэ тэ счивэнпэ дро яшшико э тангонэ вантэнца и шукир закэрибнаскирэ крышкэнца. Штэты, дрэ савэ мануша пси-рэна ваш пэскэ бангэ тэ явэн адякэ жэ запхандлэнца, собы тэ на попэрэн одорик о матхя.

ПАНЫ

Единишна насвалыпэна пэрытконэ тифоса на придэна баро трашаибэн ваш населениё и кэрэнапэ дро разна штэты и дро разна бэршытко времё. Нэ коли пэрытконэ тифоскирэ микробы попэрэна дро источники катыр лэлапэ паны ваш пибэ, отэнчя кэрэнапэ массова насвалыпэна пэрытконэ тифоса. Занасвалёна шэла, тысенцы манушэн; насвалыпэна кэрэнапэ дро разна штэты дро форо, гав, сыго пириджяна э штубатыр дрэ штуба. Ада-савэ массова насвалыпэна пэрытконэ тифоса кхэрэнапэ пэрытконэ тифоскирэ эпидемияса.

Панитка эпидемии тэрдёна дрэван траша-

нэ. Начячюно подыибэ паны и на кэрибэ канализация — окэ главна дрома ко пэрытко тифоскирэ насвалыпэна.

Стэлякирибэн мэрибэ э пэрытконэ тифос-тыр тангэс сы спхандло фэдыр подыпнаса паны тэ кэрибнаса канализация.

Дро форья, кай исы паныпролыджяибэ (водопроводе), панитка эпидемии кэрэнапэ дрэ одолэ случяи, коли дро паныпролыджяибэ попэрэна сточна паня. Отэнчя дро наба-ро сроко занасвалёна тысенцы манушэн. Дрэ адасавэ эпидемии дро паныпролыджяибнытко паны исследованиёса тэло микроскопо латхэ-напэ пэрыткотифозна микробы.

Мэлалякирибэ паны ваш пибэ испражнени-енца могискирэла тэ кэрэлпэ на токо попэ-рибнастыр сточно паны дро паныпролыджяибэ, нэ и бутэ ваврэ спэсобэнца. Коли фильтры про форитка паныпролыджяибэна бутяки-рэна нашукир, сыр адава исыс ваш при-меро дрэ тагаритка бэрша дро Петербурго, то зараза э рэкатыр могискирэла тэ попэрэл дро паныпролыджяибнытко паны. Дро рэки жэ паны насвалякирэлапэ стхадыпнаса мэл (начистоты) э населённонэ штэтэндыр, плава-юшшёнэ про рэки судэнца, коли э клозэтэн-дыр мэл змэкэлапэ дрэ рэка.

Пэрытко тифо — сы спутнико налачэ подыибнастыр паны.

Уфэдырьякирибэ подыибэ паны тэ канализация банго тэ пролыджялпэ англэдыр сарэстыр. Цэнтрально подыибэ паны исы дрэван лачё. Дрэ лэскиро чячюно кэрибэн паны джяла пиро закэрдэ трубы, карик заразна микробы тэ попэрэн на могискирэна. Ангил одова, сыр панескэ тэ попэрэл дро паныпролыджяибнытка паны ожужакирэлапэ хлороса или промэкэлапэ пирдал фильтро. Пало фильтрэнгиро справныма банго тэ явэл утходо строго санитарно придыкхибэн.

Одой, кай паныпролыджяибэ нанэ, лачэ источникэнца ваш подыбэ паны трэби тэ гинэс артезианска ганынга, родники, ключи. Тэ пользынэспэ панеса ваш пибэ э откэрдэ штэтэндыр — рэкатыр, озёрос-тыр или прудостыр — сы дрэван трашано. Адасаво паны могискирдо сы тэ пьес токо прокэрадэса.

КАНАЛИЗАЦИЯ.

Обеззараживаниё и обезвреживаниё мэла-лыпэ (нечистоты) — дрэван лачё срэдство дро марибэн э насвалыпнаса пэрытко тифо. Адалэстыр на тыкно вниманиё треби тэ при-

дэс кэрибнаскэ канализация. Канализация улыджяла мэл дур э населённонэ штэтэндый кай адая мэл обеззараживается про фэлды орошэниё.

Трэби тэ придыкхэс, собы стхадыпэ мэл тэ на попэрэл дро паны. Адава могискирэла тэ кэрэлпэ бутэдыр одой кай лэлапэ паны ваш пибэ ганынгатыр или рэкатыр. Окэ адалэстыр ганынга трэби тэ кэрэс адякэ, собы дрэ лэндэ на могискирдя тэ протхадэл паны шталэндый, выгрэбнонэ колбан ндыр и э кхэрэстыр.

Трэби тэ позаботисоспэ собы рэки тэ пруды исыс рикирдэдро жужыпэн. Адалэстыр мэл нашты тэ змэкэс дрэ рэки. Ваш морибэ гада бангэ тэ отделинэнпэ прэ рэка штэты тэлэдыр одолэ штэтостыр савэстыр пхэрэна паны ваш пибэ или кэраибэн — пиро рэкакиро тхадыпэн.

Сарэ укэдыбнытка (уборна) бангэ тэ рикирэнпэ дро лачё жужыпэн и кажно дывэс дезинфицыроваться.

ХАБНЫТКА ПРОДУКТЫ.

Дро роскхуибэн эпидемия пэрытко тифо рикирэна адякэ жэ баро значениё занасваля-

кирибэ (заражэниё) хабнытка продукты. Нэ хабнытка эпидемии на дэна адасавэ массова насвалыпэна, савэ кэрэнапэ панескирэ эпидемиендыр.

Бутэдыр трашаибэн сарэ хабнытконэ продуктэндыр исы э тхудэстыр, коли ёв занасвалякирдо сы пэрыткотифознонэ микробэнца. Попэри дро тхуд микробы екхатыр розлыджянапэ одой. Микробы могискирна тэ попэрэн дро тхуд мэлалэ доильшшыцэнгирэ вастэндыр савэ доинэна гурувнен, матхенца.

Дрэ тифоскиро розлыджяибэ баро значениё трэби тэ придэс и овошшэнгэ. Овошши мэлалякирнапэ огородно почвакирэ заражэниёстыр пэриткотифознонэ микробэнца. Адава могискирла тэ авэл огородоскирэ поливкатыр зараженонэ панеса и э мэлалыпнастыр прэ огороды и адякэ дурыдыр. О насвалыпэ могискирла тэ явэл и э хабнастыр накэрадэ овошшы.

Дро овошшы, а адякэжэ и ваврэ хабнытка продукты могискирла тэ попэр зараза мэлалэ вастэндыр, матхендыр и ад. дур.

Бутыр сарэстыр насвалыпэна пэрытконэ тифоса могискирна тэ явэн дро лынайтка и осенякирэ чёна.

СЫР ТЭ ЗРАКХЭС ПЭС Э ПЭРЫТКОНЭ ТИФОСТЫР

Советско власть рикирэла дрэван барэ дорэсыибэна дро рэндо пиро марибэн э насвалыпнаса машкир бутитконэндэ. Дорэсыибэна адалэ розгалёнапэ одолэса, со советско власть всегда джиндя организовать буглэ бутитка массы пашыл пучибэна састыпэракхибэ „Ракхибэн бутитконэнгиро састыпэ — рэндо кокорэ бутитконэн“ — адасаво сы лозунго советсконэ састыпэракхибэн.

Тэ уракхэс пэс и ваврэн пашыл пэстэ э насвалыпнастыр пэрытконэ тифоса моги-скирэла кажно мануш, коли ёв выкэрэла дро пэскиро быто сарэ трэбима требования пиро санитарно минимумо.

Санитарнонэ минимумоса кхарнапэ простейша обшшедорэсыибнытка санитарно - осякыгибнытка мероприятия, савэ бангэ тэ пролыджямпэ срдствэнца и э зорьенца кокорэ бутитконэнца сыр дрэ быто, адякэ жэ дро колхозо и про производство.

**ПЭСКИРО САНИТАРНО МИНИМУМО ДРО МА-
РИБЭН Э ЭПИДЕМИЕНЦА.**

Трэби зоралэс тэ рипирэс и строгэс тэ про-лыджяс дро джиипэн окэ савэ правила:

1. Тэ на лэспэ пало муй и пало хабэн
мэлалэ вастэнца.

2. Обязательнэс тэ морэс васта ангил хабэн,

3. Тэ на пьэс напрокэрадо паны.

4. Тэ на пьес напрокэрадо тхуд.

5. На трэби тэ хас никонэса екхэ чярэстыр.

6. Напрокэрадэ овошши тэ фрукты ангил
одова сыр тэ хас трэби тэ проморэс прокэ-
радэ панеса.

7. Нашты тэ хас савэ наяви кирнэ хабэна.

8. Тэ раххэс хабэна э матхендыр.

9. Натрэби тэ пьес бравинты тэ бэра.

10. Дрэ всяко жэлудко-видырьитко нас-
валыпэ трэби сыго тэ джяс ко састыпнаскиро.

Адасаво санитарно минимумо банго тэ
пролыджял кажно мануш, собы тэ на занас-
валёл кокорэскэ пэрытконэ тифоса и ваврэ
заразномэ насвалыпнанца, а кхэтанэ адалэса
и тэ зраххэс ваврэнгиро састыпэн. Выкэри
санитарно минимумо, амэ ласа тэ присыкля-
кирасцэ ко культурна навыки дро марибэ па-
ло жужыпэн, пало осастякирибэ пэскиро быто.

РАКХИБНЫТКА ПРИКХУИБЭНА

Э ваврэ важномэ мерэндыр пиро раххибэ
против насвалыпэ пэрытконэ тифоса трэби
тэ гинэс раххибнытка прикхуибэна.

Прикхуианыко действиё основано сы прэ одова, кон принасвалыя тифоса, обычнэс вавир моло на занасвалёла. Кэрэлапэ адава одолэстыр, со дро насвалыпэн дро насвалэскиро рат кэрэнапэ противоядии насвалыпнастыр пэрытконэ тифоса. Опыты учёнонэн сыкадэ, со на токо джидэ пэрыткотифозна микробы, савэ попэнэ дрэ манушэскиро трупо, выкхарэна создыпэ противоядии. Противоядии кэрэнапэ дрэ манушэскиро рат адыкэ жэ и дрэ одова случяё, коли тэ влыджяс дрэ лэскиро организмо умардэ микробэн.

Ваш адава лэна определённо количество пэриткотифознонэ микробэн, умарэна лэн уче температураса и отэнчя впрыскинэна лэн тэлэ манушэскири цыпа, саво на насвалыя пэрытконэ тифоса. Адасавэ вспрыскивании кэрэна повторнэс 2—3 молы. Окэ адава и кхарэлапэ ракхибнытко прикхуибэн.

Прикхуибэн набут болезнено и безвредно. После прикхуибэн кой-коли кэрэлапэ набаро пришулыпэн про штэто вспрыскивания, набаро ознобо и жаро. Нэ саро адава сыго проджяла, и мануш кэрэлапэ про варикицы чёна, а кой-коли и про саро бэрш навосприимчиво ко насвалякирибэ пэрытконэ тифоса.

Коли жэ адасавэ мануша уса жэ занасвалёна то пэрытко тифо джяла лэндэ про бут логкхэ-дыр, и мэрибэн машкир адасавэ манушендэ э пэрытконэ тифостыр про бут тыкнэдыр, соса э на прикхудэндэ. Прикхуибэна кэрэнапэ обычнэс отэнчя, коли высыкадёла тифоски-ри эпидемия.

Коли пролыджянапэ савэ-наяви прикхуибэна э заразнонэ насвалыпнандыр, машкир ромэндэ создэнапэ на лачэ ракирбэна и дурьёна адалэ прикхуибнандыр. Адава тэ кэрэс нашты. Кажно ром — колхознико, бутяри тэ бутитко банго тэ чюрдэл адава на культурно отлыджяибэн кэ пэскиро састыпэн.

Машкир ромэндэ инкэ жыкэ акана рикирэнапэ на культурна, налаче привычки, савэ исыс влыджинэ дрэ амаро фэлдытко лодыпэн дрэ тзгаритко Россия, Совэтско власть дрэван заботисолапэ ваш бутитконэ ромэнгиро састыпэн. Отмэкэнапэ барэ ловэ прэ кэрибэ медицинска пункты дрэ романэ колхозы, про обслужываниё бутитконэ ромэн медицинско-нэ помошшаса дро форья и ад. дур.

Нэ кхэтанэ адалэса трэби тэ пхэнэс, со коли кокорэ бутитка рома на лэна тэ про-лыджян сама проста, сама трэбима санитарна правила пиро ракхибэ састыпэн дрэ пэски-

ро джиибэ адалэ мероприятии советсконэ властя явэла пхарэдыр тэ пролыджяс.

Бутитка рома бангэ кокорэ тэ прилэн хачкирдо участиё дро баро марибэн заразнонэ насвалыпнанца, тэ адякэ жэ пэрытконэ тифоса. Адава помогискирэла советсконэ властякэ тэ хаськирэс заразна насвалыпэна машкир бутитконэндэ кхэтанэс, тэ адякэ жэ и машкир бутитконэ ромэндэ.

МАРИБЭН Э ПЭРЫТКОНЭ ТИФОСА — МАРИБЭН ПАЛЭ КУЛЬТУРНО РЕВОЛЮЦИЯ

Гара исы джиндло, со одой кай сы билылварипэ, одой исы бутэдыр насвалыпэна тэ манушэнгиро мэрибэн. Адава исы полыно сарэнца. Токо дро лылварипэн могискирдо сы буглэс тэ пролыджяс сознательно отлыджяипэ ко мероприятии пиро ракхибэ састыпэн и чячюнэс тэ выкэрэс одолэ правила, савэ трэбима ваш надомэкэйбэ заразнонэ насвалыпнан.

Хаськирибэ кхэтано и санитарно билылварипэ исы трэбимо условиё ваш форто (успешно) марибэн э насвалыпнанца.

На тыкнэдыр важнонэ условиёса тэрдёла марибэн палэ трезвость. Спиртна напитки

ослабинэна организмо, ростроинэна састыпэ и адалэса лыджяна ко насвалыпэна разнэна насвалыпнанца тэ адякэ жэ пэрытконэ тифоса. Помимо одова матыпэн кэрэла пхарэдыр пролыджяибэ сарэ культурна тэ санитарно — осастякирибнытка мероприятия. Кон на джинэла со машкир амарэ ромэндэ инке жыко акакана ракхэлапэ „муршыпэ“ пирэ бравинта. Адалэ рома „мурша“ ни пал со на гинэна тэ подкхарэс панджбэршытконэ чяворэс ко скаминд пало пибэн и тэ дэс лэскэ паш тахтай бравинта. Адалэ рома тыкнэ бэршэндыр хасякирэна кокорэ пэскрэ чяворэнгиро организмо. Адалэстыр трэби тэ отпхэнэспэ. Адая привычка ачяпэ дрэ амарэ ромэндэ лодыпнастыр и ла трэби тэ хаськирэс.

Машкир амэндэ инкэ нанэ хаськирдэ пхэрдэс вредна навыки, нанэ хаськирдэ мэл и ниопрятность, савэ кэрэна пхарэдыр тэ пролыджяс марибэн палэ санитарно культура и адалэ вредна навыки создэна лачи почва ваш росхуибэ насвалыпнан.

Задыибнаса тэ стэлякирэс насвалыпэна кхэтанэс тэ адякэ жэ заразна насвалыпэна Совнаркомом РСФСР лынаса 1930 бэршэс издыя тхойбэн ваш пролыджяибэ санитарно минимумо и ваш марибэ э эпидемиенца. Совнар-

комо РСФСР предложил наркомздравоскэ тэ пролыджяс адасавэ мероприятия, савэ дро набаро сроко. обеспечиндлэ бы баро стэля-кирибэ насвалыпнан пэрытконэ тифоса.

Сарэ бутитка рома бангэ тэ джинэн ваш адава тхойбэн и тэ помогискирэн органэнгэ пиро ракхибэ састыпэн тэ выкэрэс лэс.

Трэби тэ кэрэс зорало пирипхагирибэн дрэ санитарноэпидемичэско буты, трэби тэ откэрэс (тэ лыджяс) марибэн пало ракхибэ састыпэн бутитконэн ударнонэ темпэнца, и кэ адава рэндо банги тэ явэл прикхарды буглы бутяритко обшшественность.

Санитарно минимумо пиро марибэн э эпидемиенца банго тэ явэл выбутякирдо прэ кажно романо колхозо применительнэс коштэтытка услови. Санитарно минимумо банго тэ пролыджялпэ дро колхозы, дро штубы, дро кхэтанэ скаминдытка. дро ясли, дро школы, дро клубы и дро ваврэ учреждений.

Буты пиро пролыджяибэ санитарно минимумо банги тэ проджял хачкирдэ учястиёса и активностяса буглэ обшшественностяса бутярэн тэ колхозникэн. Бангэ тэ подчинэнпэ доракирибэна про социалистическо соревнованиё машкир колхозы пало фэдыр лыджяибэ буты пиро ракхибэ састыпэн.

Ограны пире ракхибэн састыпэ пролыджяна цэло рядо мероприятия пире састякирибэ услови дэо быто и дэо бутякирибэн пире марибэн э эпидемиенца. Пролыджялапэ бугло законоиздыибэ пире ракхибэ бутякирибэн, хаськирэлапэ вредность про разна производствы, сарэ курорты ипользынэнапэ амэндэ ваш бутитконэнгэ форостыр и гавэстыр. Фэдырьякирэлапэ медицинско помошшь, кэрэнапэ диспансеры, нэвэ дукханы санатарии, кхэра ваш откхыныпэн.

Уфэдырьякирэлапэ чяраипэ, кэрэнапэ об-кхэтаниякирдэ скаминдытка и барэ фабрики-кухни, кай бутитконэнгэ дэлапэ лаче качествоса тэ лаче питательностяса хабэн. Пролыджялапэ бугло жилишшно строительство. Бутярья тэ лэнгирэ иря пириджяна э подвалэндыр дэо дрэван лачэ святла штубы сарэ удобствэнца. Буглэла строительство культурно-бытовонэ учреждениен дэо колхозы тэ совхозы.

Санитарно рэндо дрэ амари риг дывэс дызэсэстыр уса уфэдырьякирэлапэ. Дэо бут колхозы тэ совхозы пролыджялапэ электричество, кэрэлапэ канализация, уфэдйрьякирэлапэ подыбэ паны, строинэнапэ лазни тэ штубы ваш морибэ гада.

Кэрэнапэ паркн культура и откхиныпэ, кай бутитка могискирэна тэ пролыджян пэскиро откхиныпэ про фано, кай лэнгэ дэлапэ культурно, састыпнытко развлеченийё.

Сарэ адалэ мероприятия дынэ амэнгэ баро стэлякирибэ насвалыпэ и мэрибэ.

Пролыджяибэ дро джиибэн тхойбэн июньсконэ пленумос ЦК ВКП(б) 1931 б. тэрдёла нэвэ вкладоса дрэ сари буты пиро санитарно культурно буты сави пролыджялапэ советсконэ властяса ваш уфэдырьякирибэ бытовонэ условиен бутитконэн.

Пленумоскирэ тхойбэна ваш форитко хулаибэн направлена про осастякирибэ бытовонэ условиен бутитконэн, про уфэдырьякирибэ санитарно благоустройство, подыбэ паны, канализация и ад. дур. Дрэ амари риг кэрэлапэ соцыализмо, кэрэлапэ культурно революция, уса газдэлапэ культурно и материально бутитконэнгиро уровнё.

„Амэнгэ амарэ противники на екхвар ракирдэ, со амэ мэкасапэ про бигодякиро рэндо кэри соцыализмо дрэ надоста культурно риг. Нэ ёнэ обхохадэпэ дрэ одова, со амэ прилыямпэ тэ кэрас на одолэ концостыр, сыр бы адава исыс трэби пирэ теория (всяконэ педантэн) и со амэндэ политическо тэ со-

цыально пириворото осыкадыя предшествен-
никоса одолэ культурнонэ пириворотоскэ,
одолэ культурнонэ рэволюцыякэ, ангил сави
амэ уса-таки акана на сам тэрдэ. Ваш амэнгэ
доста акакана адая культурно революцыя
ваш одова, собы тэ авэс пхэрдэс социали-
стическонэ стро́наса революцыя“, пхэндя
Ленино.

Редактор *Таранов*

Техред *Капелько*

Уполном. главлита Б — 21 020. Медгиз 123 МДб. Тираж 500, фор-
мат 62×94/32. Печ. л. 1, зн. в п. л. 34 560. Сдано в на б. 29/VI 1933.

Подписано к печати 26/XI 1933. Заказ 495.

17-я ф-ка нац. книги ОГИЗ'а РСФСР треста „Полиграфкнига“.
Москва, Шлюзовая наб. д. № 10.

Тимин
Цена

6 гасп.
коп.

3098
Е. ЗУБКОВА

БРЮШНОЙ ТИФ

Перевод Мих. Безлюдского

На цыганском языке



ГОСУДАРСТВЕННОЕ
МЕДИЦИНСКОЕ ИЗДАТЕЛЬСТВО